

基隆市 108 學年度本土語文（閩南語、客家語）歷年演講稿成果冊

徵稿稿件

指導老師 或文稿原作者姓名	指導老師		編號	
	文稿原作	張雯玲		
作者照片				
作者簡介(請用自己的母語書寫,若有兩人以上者,請分開書寫)	<p>張雯玲 武崙國小、東信國小、正濱國小閩南語支援人員。 這篇是我佇正濱國小指導學生參加演講比賽所寫的文章，因為愛考慮著學生的想法俗台語程度，所以無用真深的台語用詞俗俗語，我認為會當予因仔講會順上要緊，這篇文章會當入選，真意外，感謝評審委員無棄嫌。</p>			
題目	上難忘的一節課			
組別	<input checked="" type="checkbox"/> 國小組 <input type="checkbox"/> 國中組 <input type="checkbox"/> 高中組			
語言別	<input checked="" type="checkbox"/> 閩南語 <input type="checkbox"/> 客家語海陸腔 <input type="checkbox"/> 客家語四縣腔			

文 稿  
內 容  
(請將  
文稿貼  
在空白  
處，如  
有特殊  
字型，  
請提供。)

講著我上難忘、記持上深的一節課，就是有一擺上體育課，彼節課是比賽閃避球，是按怎講彼節課是我上難忘的一節課咧？

因為逐擺上體育課的時，若是老師講欲比賽閃避球，我攏掣咧等，「閃避球」，台灣話閣叫做「肉球」，肉球的意思，也就是甲人當做肉球，予人提球擊來擊去，有時陣會去予人擊著頭，有時陣會去予人擊著腹肚，若是予人擊著，就輸矣，會變做「鬼」，就出局矣。

偏偏阮這隊，我恰阮的隊友攏是肉跤，俗語叫做「豬隊友」，阮提著球的時，欲擊別人，阮擊正手片，個攏走倒手片，阮擊倒手片，個閣走正手片，無論阮按怎擊，攏擊袂著，所以一學期按怎比賽攏總輸，輸甲咧強強欲褪褲。

一學期就欲結束的時，最後一節體育課，我咧想這擺的閃避球比賽嘛一定是輸，毋過阮這隊竟然贏矣，我實在是毋敢相信，這好親像是「青盲貓去掠著死烏鼠」，閣親像是「青盲雞去啄著蟲」，所以予我記持真深，成做我上難忘的一節課。

會記得彼一工，咧比賽的時，阮這隊予人拍甲東倒西歪，球場的內場干焦賸三个人爾爾，對方彼隊卻是人攏無予人拍出去。本來阮是想無步，退無路，突然間煞想著一個辦法，就是緊甲外口的隊友救入去，予阮內場的人會當增加，內場的人增加了後，拄欲開始拍，沒想到阮有一個隊友甲球擊出去，竟然擊著外場一位幼稚園小朋友，害彼個小朋友掣一趔，煞吼出來，這就是阮豬隊友才做會出來的代誌。

落尾，我想是因為對方恰阮拍球傷無聊矣，煞待佇遐開講，阮趁這個好機會，緊恰球擊出去拍個，無想到竟然拍著個彼隊上厲害的彼個隊員，後來個就受氣矣，甲球黑白擲，結果啥物攏無擲著，顛倒是阮一直擊著，甲個拍甲無半個，到最後，阮就贏矣！

人講：「荏荏馬，嘛有一步踢。」、「風水嘛也輪流轉」，一學期攏予人做肉球咧擊，無想到嘛有贏的時陣，所以講蠶排無落魄的久，贏的時陣毋通傷風神，輸的時陣，嘛毋免傷傷心，只要重新提起勇氣，繼續拍拚，只要逐家團結合作，總是有勝利的一工。

雖然只是一節體育課，毋過予我真深的感受，毋若是

<p>得到勝利的快樂爾爾，我閣體會著一寡人生的道理，所以 這節體育課予我真難忘，是我上難忘的一節課。</p>
--

文稿請送一份 WORD 檔、一份 PDF 檔，一併寄至 [ab8438@gm.kl.edu.tw](mailto:ab8438@gm.kl.edu.tw) 信箱